

欽定大清會典事例

欽定大清會典事例卷九百四十一

工部

關稅

盛京木稅 吉林木稅 伊犂木稅
直隸潘桃口等處木稅 山西殺虎

口等處木稅 山東臨清關 江蘇龍江關
等處 安徽蕪湖關 浙江南新關 湖北

荆關 湖北新關 湖南辰關 四川渝關
關差

盛京木稅○

盛京渾河

即呼納呼河

大凌河小凌河六周河太子河

清河鶯納河大莊河碧赫河歸河遼河父河曹

河各項木植十五取一以備

三陵陸續取用其不堪應用者隨時變價大凌河折銀

交部。大木每根徵山分銀六分。小木計價一兩二錢。徵山分銀六分。歲徵木植多寡不齊。無定額。○乾隆三十年奏准。

盛京抽存木植。凡遇各工取用。如木植尺寸不符。令該監督等會同丈量折改給發。如長徑丈尺實在懸殊。難以折改。即動項採買。渾河稅口抽分木植。查明不堪工程應用者。照例變價。○三十七年奏准。渾河稅口徵收陸運板片等項木植。凡長七尺厚一寸寬五寸至九寸松木板片。每塊酌定價銀二分二釐。雜木板片。每塊酌定

價銀一分二釐。長七尺。厚一寸。寬一尺至一尺九寸。杉松雜木板片。每塊酌定價銀六分。長七尺。厚一寸。寬二尺至三尺。板片。每塊酌定價銀一錢二分。車轆。每副酌定價銀一錢六分。槽料。每副酌定價銀一錢四分。俱照例每十五件抽分一件。按照定價折徵銀兩。其餘板料等項。按價覈計。每銀一兩二錢。徵山分銀六分。其板片。每厚一寸。遞加一倍。覈計徵收。○五十六年奏准。渾河稅口。徵收陸運木板。照依水運抽分之例。每十五塊抽分一塊。以備工程應用。○道光

十五年奏准。渾河等處並遼陽。岫巖。鳳凰。開原。

等四城木稅。均歲徵銀二千餘兩。

牛莊。葦稅。詳
盛京工部。

吉林木稅。○吉林所屬輝發。穆欽等處木稅。十

分取一。免徵山分銀。其木植變價。額銀三百七

十兩。○甯古塔木稅銀一百五十八兩。○三姓

木稅銀一百二十八兩。○同治四年奏准。吉林

所屬輝發。穆欽等處木稅。照定額三百七十兩

酌加十倍。以三千七百兩為定額。贏餘儘徵儘

解。○光緒四年奏准。吉林所屬輝發。穆欽等處

木稅。是年徵收贏餘銀四十九兩零。俟三年後

再行定額。

伊犁木稅○伊犁南北山場設立商頭官給驗票。抽分木植。每木一百根。抽分七根。如運到木植不及百根。以八根至十四五根。抽收一根。存為該處各項工程之用。如有餘賸。即行估變。按年奏報。覈實題銷。

直隸潘桃口等處木稅○潘桃口

今改設大河口。

稅銀

六千四百四十五兩有奇。又加增枋榔等項稅銀二百四十一兩有奇。木植十分取一。均按長徑尺寸。覈價折徵。歲解工部節慎庫。松木長三

丈五尺至一丈一尺。徑二尺二寸。每根銀自九十六兩。至十七兩三錢六分五釐。徑二尺一寸。每根銀自八十九兩七錢六分七釐。至十六兩一錢三分二釐。徑二尺。每根銀自七十七兩六錢六分三釐。至十四兩九錢六分四釐。長三丈五尺至一丈。徑一尺九寸。每根銀自五十六兩八錢七分四釐。至十二兩七錢七分一釐。長三丈五尺至一丈一尺。徑一尺八寸。每根銀自五十六兩。至十二兩七錢一釐。徑一尺七寸。每根銀自四十八兩六錢二分一釐。至十兩四錢八

分。徑一尺六寸。每根銀自三十八兩八錢四分。
二釐。至八兩三錢六分七釐。徑一尺五寸。每根
銀自二十九兩六分四釐。至六兩四錢六分。長
三丈五尺至一丈。徑一尺四寸。每根銀自十九
兩二錢八分五釐。至三兩八錢八分八釐。長三
丈五尺至一丈一尺。徑一尺三寸。每根銀自九
兩五錢七釐。至二兩九分六釐。長三丈五尺至
一丈。徑一尺二寸。每根銀自八兩一錢四分八
釐。至一兩七錢五分三釐。徑一尺一寸。每根銀
自六兩六錢四分七釐。至一兩四錢二釐。長三

丈五尺至七尺。徑一尺。每根銀自五兩七錢八分五釐至八錢三分四釐。長三丈至八尺。徑九寸。每根銀自四兩二錢二分至七錢五釐。徑八寸。每根銀自三兩四錢八分二釐至五錢八釐。徑七寸。每根銀自二兩七錢四分四釐至三錢一分一釐。徑六寸。每根銀自二兩三錢五分二釐至二錢六分七釐。榿木。長一丈。徑一尺二寸。每根銀三兩二錢一分。楊木。長一丈。徑九寸。每根銀九錢。油松。椽。長五尺。闊厚二寸五分。每根銀八分。柏木地釘。長九尺。徑五寸。每根銀三錢。

松板闊一尺厚七寸長七尺每塊銀五錢長八尺每塊六錢二分長九尺每塊六錢七分五釐長一丈每塊七錢五分柴木每斤銀二釐五毫以上木植如長徑丈尺逾於定數者均照例科算遞增○古北口木植十分取一折銀徵收檜木長一丈三尺徑六寸每根銀二錢八分六釐七毫楊木長一丈徑六寸每根銀七錢松椽長一丈徑四寸每根銀二錢六分長一丈徑五寸每根銀三錢三分五釐松木松板定價及折算遞增均與潘桃口同○通水道額徵板木船窩

稅銀七千一百十五兩有奇。

現在無案稅。

贏餘銀三

千九百兩。

遇閏加增銀五百九十二兩九錢八分。

又六小口木稅

銀一千二百兩。○工關木稅各稅口。天津縣。三

岔河。趙家場。大沽海口。陳家溝。紅橋。甯河縣。蘆

臺鎮。葛沽。

光緒三年移設新城鎮。

武清縣。楊邨鎮。河西務

張家灣。香河縣。北運河馬頭。文安縣。苑口。通州。

龍王廟。灤州。偏涼汀。

京城。朝陽。東便廣渠。東直。安定。左安。永定。各關。盧

溝橋。西河。三小口等處。向由通永道遴派委員

書役。駐局收稅。每年額徵銀七千一百十五兩。

七錢六分。嘉慶四年奉

旨酌定贏餘三千九百兩。共應徵正額贏餘銀一萬一千十五兩七錢六分。支放北運河務楊漕三廳河營兵餉。並每年應解工部飯銀一百二十八兩。工科飯銀四百八十兩。均於年終批解造冊報銷。○潘關木稅各稅口。遷安縣潘家口等處。由遷安縣每年徵解銀六百兩。撫甯縣界嶺口等處。由撫甯縣每年徵解銀一百兩。臨榆縣山海關等處。由臨榆縣每年徵解銀三百兩。昌黎縣海陸各口。由昌黎縣每年徵解銀二百兩。樂

亭縣海陸各口。由樂亭縣每年徵解銀五百兩。
五縣共額徵銀一千七百兩。按年解交通永道。
由道批解工部。

山西殺虎口等處木稅。○殺虎口稅銀七千二
百兩。歸化城落地木稅四百四十六兩。木植十
分取一。照部價折銀解交節慎庫。松板每折見
方一尺長一丈以外。價銀二錢五分。長一丈以
內。價銀一錢六分五釐七毫。不徵雜木。松木松
嫩。照潘桃口古北口徵收。○武元城木稅銀一
千二百三十一兩有奇。贏餘銀二兩。嘉慶四年
定。贏餘銀

一千二百六十九兩。是年復減至二兩。均照部價折銀每兩三分

徵收

山東臨清關。○臨清關執板牘稅銀四千五百

七十二兩有奇。贏餘銀三千八百兩。以一千二百

為額內。一千五百貨船過關。止收船料。不徵貨

二十兩為額外。稅。自北往南者名為鹽貨。每船納紙價銀六錢。

自南往北者名為短載。按船頭丈尺。每尺徵銀

一錢七分。船抵臨清。先赴大關納稅。然後抵牘。

俟糧船經過隨行。不得越漕啟板。

江蘇龍江關等處。○龍江關稅銀四萬六千八

百三十八兩。銅斤水腳銀一萬七百六十九兩
有奇。贏餘銀五萬五千兩。商船桶簍箱籃包捆
等項。並竹木長徑丈尺寸分。點明實數。照部頒
條例徵收。丈量竹木簍筏。簍底設扒竿鉤丈。有
大扒平扒之分。大扒竿長二丈五尺。下置橫木
八尺五寸。形如直鉤。簍深一丈以外闊六七八
丈不等者為大簍。扒下虛二尺八寸合算。深一
丈以內六尺以外者為中簍。大扒鉤丈減半虛
一尺四寸計稅。深六尺以內者為小簍。用平扒
鉤尺。扒竿長八尺。下安橫木三尺五寸。形如曲

尺。見尺加寸計算。簾面用平竿橫闊簾邊。銜圭
取平。以定尺寸。是名水平。高低折實。如高一尺。
除半止五寸科稅。枴木。簾深一尺二寸作一層。
闊一丈作九根。雜木。簾深一尺二寸作一層。闊
一丈作七根。青柳木。簾深一尺二寸作一層。闊
一丈作八根。杉木。簾深一尺五寸作一層。闊一
丈作十二根。青柳板。簾深四寸作一層。闊一丈
作七塊。長六尺作一節。江西簾筏。均以杉木科
稅。湖廣簾筏。稅十五六兩以下者。不判青柳。百
兩內判青柳三分。百兩以上至數百兩。判青柳

四分。簿內竿木點計實數。分別上次科納。招槁
零木三項。均照實數計根徵收。苗竹。簿深一尺
作三根。闊一丈作三十根。長三丈作一節。青龍
山龍潭石灰。每窯一百五十石。徵銀一兩四錢
三分。瓦屑壩地租。歲納銀五兩五錢。龍江廠地
租。歲納銀二兩。竹木廠地租。歲納銀九錢二分。
各行經紀。歲納鈔銀有差。稅銀准市平徵收。大
勝關龍江分口徵收茶篋色捆稅。河定橋龍江分口徵收
茶篋稅。與大勝關同。東壩芮嘴和州含山龍江分口
徵收桶篋稅。謹案龍江關等處自咸豐三年被擾後尚未開徵。○宿遷

關稅銀四萬八千八百八十四兩。贏餘銀七千八百兩。商船捆包桶篾擔束並竹木大小根段。照部頒條例徵收。船契一百六十石至千餘石。每尺徵契銀二錢五分。船鈔二百石至千餘石。每尺徵鈔銀三錢三分。大契半鈔一百六十石至一百九十九石。徵鈔銀一兩。小契百石至一百五十九石。徵契銀六錢。小契鈔百石至一百有九石。徵鈔銀六錢。小契半鈔一百十石至一百五十九石。徵鈔銀八錢。渡船二十石至二十九石。徵鈔銀二錢。三十石至三十九石。徵鈔銀

三錢。四十石至四十九石。徵鈔銀四錢。五十石至五十九石。徵鈔銀五錢。六十石至九十九石。徵鈔銀六錢。人載沙飛。准納半鈔。鴨背馬溜划船。每倉徵鈔銀二錢。散裝船貨頭稍倉跨。悉照成包成捆一例。籤驗按石徵收。徐關宿關按貨物箱篋包件斤數照例徵稅。○瓜儀由牐河餉銀七千六百六十六兩有奇。歲解江南河庫。瓜洲三汊河過壩河餉。梁頭自五尺至丈六尺。每尺徵銀五分。竹木均一甲徵銀二錢。由儀徵下水重船。每船徵隨船纜銀六分。儀徵由牐河餉

上下水貨船。依戶關徵操撫餉例。折盡擔數。合
梁頭五尺至丈六滿科。每尺徵銀五分。不及五
分者作為奇零。報納過壩。凡報卸載操撫餉。梁
頭一丈至丈六尺者。均作梁頭五尺。每尺徵河
餉銀五分。不足卸載操撫餉。梁頭一丈者。免竹
木。均一甲徵銀二錢。空船梁頭五尺。徵銀七分
五釐。六尺。徵銀一錢一分三釐。七尺。徵銀一錢
七分五釐。八尺。徵銀二錢二分五釐。九尺。徵銀
二錢八分八釐。一丈。徵銀六錢四分八釐。由牕
上下水空重船。均徵隨船纜銀三分。凡河餉。正

稅一兩。加耗八錢。過壩河餉。空船免徵。

安徽蕪湖關。○蕪湖關稅銀五萬五千五百三十兩。銅斤水腳銀一萬四千六百十六兩有奇。贏餘銀四萬七千兩。每年解漕造銀一萬八千七百七兩。竹木牌筏。及商貨籃簍箱桶包捆散倉滿載。照部頒條例徵收。江楚往江甯木牌。稅至百兩者收銅斤銀九兩。稅三百兩者收水腳銀一百五十兩七錢二分。不足三百兩者遞減。過三百兩者不增。不足五十兩者。不收水腳銀。徽紹木牌往江甯者。稅三百兩。收水腳銀一百

三十一兩七錢二分。餘同江楚。竹木。簾筏。在蕪湖。售賣者。稅百兩。收銅斤銀十兩。水腳銀十一兩四錢。不足五十兩者。不徵水腳銀。江西。苗竹。簾。往江甯者。正稅百兩。收銅斤銀九兩。水腳銀十一兩四錢。不足五十兩者。無水腳銀。船料。正稅一兩。收銅斤銀一錢。船長不及三丈三尺。收水腳銀四分。長四丈五尺內者。收水腳銀七分。長四丈五尺至六丈九尺九寸者。收水腳銀一錢一分。長七丈外。收水腳銀一錢四分。米麥。船長四丈外者。每丈徵銀三錢。五丈外。每丈三錢。

五分。六丈外。每丈四錢二分。七丈外。每丈六錢六分。八丈九丈者。每丈七錢六分。十丈十一丈者。每丈九錢五分。十二丈十三丈者。每丈一兩四分。十四丈十五丈者。每丈一兩一錢四分。炭船料照米麥八折徵收。柴船料照米麥對折徵收。均不徵銅斤水腳銀。散倉水漁戶稅一兩。徵工稅銀一錢二分五釐。墊油簍松雜板。自五十簍徵松寸板五塊。松分板五塊。百簍各徵十塊。二百簍至八百簍。每百簍遞加寸分板各五塊。九百簍及九百簍以外為滿載。照船長丈尺計。

算。煤炭石膏均有腰板。照船長丈尺遞算。每丈
徵松寸分板各五塊。散倉貨物一百五十斤作
一包。篋徵稅。篋籃箱桶等項。正稅一兩。徵銅斤
銀一錢。水腳銀一錢六分。杉板烏木花梨等項。
從減徵收。奇零竹木數不及五根。食油魚蝦鮮
果香粉藥之類。不足二十斤。及民間小器用農
具等物。皆免徵。清弋口蕪湖關分口正稅一兩。徵銅
斤水腳銀四錢。新莊口。正稅一兩。徵銅斤水腳
銀四錢。裕溪口。正稅一兩。徵銅斤銀一錢。泥汊
口。今移設河家鎮正稅一兩。徵銅斤水腳銀四錢。小商

竹木牌筏進口發賣者。稅過五兩至十兩。徵銅斤銀一兩。水腳銀八錢。

浙江南新關。○南新關稅銀三萬二百四十七兩有奇。每年額解杉木料銀四千七百八十二兩有奇。額解漕造銀一萬四千四百四十兩。凡商販竹木板枋。十分取一。照部頒條例折色徵收。松花枋木及雜木。按徑圓板按長闊厚。竹按首驗量。杉梢榲溪平頭。按五尺竿下圓約尺寸。以篾大小長短得中。分別等次。估定價值。漁臨美政。安溪富新北新。觀音板橋良畝。妝輶古蕩。

等十小關

均南新分口

照正關例分權零星竹木○

同治四年奏准南新關暫行停徵

湖北荆關○荆關稅銀一萬三千三百六十三兩有奇。又銅斤水腳銀三千七十六兩。溢額銀五百八十兩有奇。竹篾盆桶正耗銀六百六十七兩有奇。贏餘銀一萬三千兩。凡商販竹木板枋按徑圍地產料材船計色目梁頭尺寸。照部頒條例徵收船料正稅一兩。加耗銀一兩五錢。南竹木正稅一兩。加耗銀四分。川竹木正稅一兩。加耗銀三錢。過江木料正稅一兩。加耗銀一

錢九分六釐。川花板桐正稅一兩。加耗銀四分。

田關

荆關分口

照則收稅。○道光二年

諭。楊懋恬奏荆關一年期滿徵收稅銀短少。請著落賠補一摺。荆關稅課贏餘銀兩。節年均有缺額。雖據該撫查明。實由內河周田二關河道淤塞。以至未能足額。究係辦理不善所致。權稅為國課攸關。似此藉詞短少。年復一年。伊於胡底。除此次該關缺收贏餘稅銀七百一十一兩零。著照例著落管關之本任荆宜施道興科照數賠補外。嗣後務當嚴飭經徵之員。妥為經理。毋使再有虧短。以裕課項。○咸豐七年奏准。

新關

裁荆關分口之越關另設於漢陽新都地方

稅銀二萬五千兩

額內贏餘銀二千七百餘兩。額外贏餘儘徵儘解。板枋圍徑色木圍圓均按價銀一兩抽稅銀三分。上枌竹每根抽稅銀三釐。中枌竹每根抽稅銀二釐。下枌竹每根抽稅銀一釐。大火篙竹每根抽稅銀一釐。中火篙竹每根抽稅銀二釐。每根抽稅銀一釐。○同治元年奏准荆關原定贏餘銀一萬三千兩。覈減銀五千二百兩。

湖北新關○新關額徵銀二萬五千兩。贏餘銀二千七百兩。額外贏餘銀一萬二千二百九十

五兩有奇。

湖南辰關○辰關稅銀一萬二千五百兩

開九月

兩贏餘銀三千八百兩。額外贏餘銀一萬一千四百一十一兩零。松杉木杉板杉枋及雜木雜木枋等項均按木計價。每銀一兩徵稅三分。鹽每包徵稅銀一釐六毫。○咸豐九年奏准辰關創徵竹稅。歲報解銀一千八百兩有零。

四川渝關○渝關稅銀五千兩。商販木植以徑圍尺寸數估本價。每兩稅銀三分。按則徵收。頭號杉木圍圓五尺。估本十兩。二號四尺。估本七

兩三號三尺。估本四兩。四號二尺。估本一兩。二尺至五尺以外。餘出寸數。每寸估本三錢。頭號柏木圍圓五尺。估本二兩六錢。二號四尺。估本一兩三錢。三號三尺。估本八錢。四號二尺。估本四錢。四五尺以外。餘出寸數。每寸估本一錢三分。三尺以外。每寸估本五分。二尺以外。每寸估本四分。雜木檟板。折四號柏木徵收。估本四錢。均照例折算收稅。至杉柏木植長三丈一尺以上。仍作整木收稅。三丈以下。減為節木。以二根折算一根。八九尺長。以四根折算一根。按照圍

圓尺寸徵收

關差○順治初年定。龍江、蕪湖、宿遷、南新等關。
差工部漢司官一人。○四年。歸併戶部。○八年。
仍歸工部。○十二年。增差滿洲司官筆帖式各
一人。○十四年。裁滿洲司官及筆帖式。○又議
准。各口採木。差滿漢官各一人。筆帖式二人。鑄
給關防。會同該地方官召募民夫。給價採伐。以
供營造。○十五年題准。荊州關差部司收稅。○
十六年議准。古北、潘家、桃林等口。差滿漢官各
一人。筆帖式二人。駐紮該地方徵收木植。停止。

採木差官。○又題准。各口採木。旗人居多。每處止留滿洲官一人。筆帖式二人。其原設漢官撤回。○又題准。潘桃口收稅。改駐永平府。古北口收稅。改駐密雲縣。並建設關口。○十七年議准。潘家桃林二口收稅。裁歸古北口監督管理。○十八年議准。暫停臨清甄差。其板牘稅務。交與北河分司管理。○康熙元年。各關復差滿洲司官筆帖式。○三年題准。古北口差。仍增設漢官一人。○四年。各關歸併地方官管理。○又題准。廣甯。錦州。甯遠。前衛等處居民邊外採伐木植。

責令吏目典史等官帶領出入。該府尹仍將人畜數目並採伐處所報部。轉行該管官稽查。○又題准。裁古北口差。稅務歸密雲縣管理。○七年題准。古北口仍差工部滿洲司官一人。筆帖式一人。○八年。各關復差滿漢司官筆帖式各一人。六部兼差。○九年覆准。淮安關兼轄淮安倉及工部清江廠。○十年題准。戶部西新關稅務歸併工部龍江關兼理。工部蕪湖關稅務歸併戶部蕪湖關兼理。荆關稅務仍交地方官管理。○十一年題准。龍江。杭關。二差不拘滿漢。止。

差司官一人。筆帖式一人。○十七年奏准。裁北河分司。臨清牘稅務。歸併濟甯道兼管。○十八年議准。潘家桃林二口。仍差工部滿洲司官一人。筆帖式一人。駐紮永平府徵收各商所採木植。由天津海運至京貿易。不許他處售賣。○二十四年議准。西新關仍歸戶部專差。古北。潘桃二差。令各部院官公同掣籤差遣。○二十六年題准。通州木廠停差筆帖式。將潘桃口。古北口徵收木植。歸通惠河分司管理。各官收稅之時。將木植長徑丈尺數實造冊。移送通惠河分司。

收存。並造清冊報部。○二十八年覆准。西新龍江二關相隔二十里。兩關稽查。商民難免守候。嗣後將西新關歸併龍江關。專差監督一人。○三十八年題准。開採大青山後。入口木植漸多。安設河賓營。差滿洲官收稅。○四十年題准。裁通惠河分司。通州木廠歸通水道管理。○四十一年題准。大青山木植稅銀。歸併殺虎口監督徵收。照潘桃等口例。什一徵收。折銀送部。○四十六年題准。四川省重慶府設立渝關。各項木植。令川東道照杉板例。估本徵收。○四十七年

覆准。荆關收稅。仍差部員。○五十三年覆准。渾河等處收稅監督。揀選

盛京各部才能司官。開列職名奏派。一年更代。○五十四年

諭。呼納呼河徵收木植。將京城部院衙門司官內。選能員差往。○五十五年奉

旨。杭關稅銀。交與浙江巡撫兼收。荆關稅銀。交與湖廣巡撫兼收。○雍正元年覆准。呼納呼河等處木稅。交與奉天將軍府尹。轉飭沿河官徵收。○又議准。龍江關蕪湖關。交與巡撫令地方官管理。○五

年奉

旨。宿遷關稅務。歸併淮關監督徵收。由牐稅務。令蘇州巡撫遴選地方官管理。○又覆准。河寶營木稅。由殺虎口監督解部覈收。○六年奉

旨。龍江關稅務。著江甯織造管理。○七年題准。浙江省南北兩關稅務。令杭州織造兼理。○又奏准。古北口徵收木植。歸密雲縣就近徵解。原設古北口監督印信斧號。即交該縣收管。○又移湖北省荊州徐關。駐田家洲。更名田關。○十年覆准。交城縣水泉灘設立木廠。武元城設立稅口。凡

有木植。照部定木價折銀。每兩收稅三分。責成
交城縣徵收。入正項報銷。○十一年覆准。渝關
木商運木到關。均赴川東道衙門報驗完納。給
予完單。聽其發賣。其有江楚商人販賣已稅之
木者。均將完單投繳。換給照票。於夔州府西坪
地方。設巡關船役驗放。但道路遙遠。稽查難周。
書巡人役難以憑信。嗣後於夔州府通判奉節
縣知縣內。詳委一人就近驗放。如無照票及夾
帶漏稅者。照例究治。重慶以下所過木植無多。
令該管州縣查驗。具文給商齎投納稅。給予照

票一併交該員查驗。○乾隆元年覆准。甄板牘稅務。歸併臨清大關管理。○四年題准。歸化城落地木稅。以四百四十六兩為定額。令殺虎口監督徵收。○五年奉

旨。湖北荆關。著部員監督。○十七年覆准。重慶江關水急。夏秋泛漲。商人得以乘夜偷放。且長壽等州縣。均有販楚木植。在重慶之下游。不能溯流赴渝納稅。止據各該州縣轉報給票砍運。所開之數。未必盡實。惟夔關為出川必由之門戶。稽查嚴密。將渝關木稅。歸併夔關徵收。以專責成。○

二十八年議准。吉林稅務。派旗員協同同知查
覈。三十年議准。潘桃口徵收木稅。監督裁汰。
歸併張家口監督兼管。三十一年議准。潘桃
口稅務。改歸多倫諾爾同知管理。仍令口北道
專司稽查。於大河口設立稅局。一切公費。均於
火耗項下動支。三十六年覆准。鳳凰城商人
由洋河船運木植。就近歸併岫巖稅局稽查輸
稅。四十五年

諭。向來荆關打箭鑪兩處徵收稅務。俱派部院司員前
往管理。一年報滿更換。但派往之員。人地生疏。又或

經理不善。往往易致缺少。按例既不可不令其賠補。而該員等因一二年小差。以致折變房產。賠交官項。非所以示體恤。雖該員等賠項。每多加恩豁免。而於帑項公務。究屬無濟。所有此兩處稅務。由京派員前往之處。竟可不必。其業經派往者。俱著撤回。嗣後著交該督撫照臨清等關之例。派委妥員奏明管理。其應行裁改各事宜。著交該督撫妥議具奏。○四十六年奏准。荆關稅務。每年於荆宜施道。荆州府知府二員內。遴派一員管理。並裁汰監督。歲支養廉銀三千兩。以及執事人役工食銀四百二十

九兩有奇。五十二年議准。荊州郝關及郝支
關裁汰。另設越市口。更名越關。楊關移設調賢
口。更名調關。五十八年。

諭。浙江鹽務。向係巡撫兼管。遇有出納之事。無人稽察。
巡撫得以任意動支。易致滋弊。嗣後將杭州織造改
為鹽政。兼管織造事務。其鹽道本無分巡地方之責。
著改為運使。巡撫既不兼管鹽務。則鹽政運司於錢
糧出入。如有侵挪等弊。該撫即可隨時糾察。據實劾
參。該省織造現改鹽政。所有南北新關稅務。難以兼
顧。著歸巡撫管理。又奏准。南北新關稅務。既歸巡

撫管理。其歲支養廉銀一萬兩。應行裁汰。仍歸
贏餘項下解部充公。○道光二十一年奏准。荆
州周正關。移設柳家集。改名柳關。周支關改為
柳支關。著該督撫飭令該道認真稽察徵稅。如
有贏餘。儘數報解。試行一二年後。有無成效。據
實具奏。其周老營地方關口。著即裁撤。○咸豐
九年奏准。湖北新關稅務。由該省督撫遴員經
管。○又奏准。湖南辰關鹽竹木稅。移設常德府
屬之河湫地方。委員徵收。○同治元年奏准。湖
南辰關鹽竹木稅。仍由辰州府知府經營。○四

年

諭前據工部題奏湖北新關稅務應令實缺道府督辦以符定制當經降旨依議茲據官文奏請仍由候補道府中遴員經理一摺所奏係屬因地制宜即著照該督所請仍於該省候補道府內遴選結實可靠者奏委一員駐紮新關督收稅課以專責成一年期滿另請更換儻該委員辦理不善或人地不宜即著隨時撤換如所委之員得力接替乏人屆期准其奏明留辦○又奏准浙江南新關稅暫停抽收○十年議准天津等處板木船窰等稅歸通水道管理○

又奏准。潘家口界嶺口。沿巖兒口。山海關。澈河口。冷口。共六小口。木稅歸通水道經營。並於昌黎樂亭兩縣濱海口岸。添設分局。以防偷越。

光緒二年奏准。安徽蕪湖關自咸豐三年停徵。是年復設試辦。三年奏准。安徽蕪湖關分設之泥汊口。築壩後不通舟楫。暫設關河家鎮。以抵泥汊口稅額。四年奏准。吉林所屬輝發穆欽等處稅務。由吉林將軍委員徵收。又奏准。盛京渾河。即呼納河大凌河。小凌河。六周河。太子河。清河。鶯納河。大莊河。碧赫河。歸河。遼河。艾河。曹

河等處。及遼陽。岫巖。鳳凰。開原。四城稅務。每年
即由

盛京將軍。會同奉天府府尹。遴員經管。○又奏准。
甯古塔三姓稅務。均由吉林將軍委員徵收。○
又奏准。山西交城縣木稅。由該縣知縣經管。在
武元城故交村兩處。設立稅口徵收。

欽定大清會典事例卷九百四十二

工部

關稅

工關考覈

禁令

工關考覈○順治九年題准各工需用木料。召募商人。自備資本。出古北。潘家。桃林等口採伐木植。運至通州張灣地方。照數驗收給價。其各商出口。先期具呈到部。取身家住址鄰佑。並各商連名甘結。移咨兵部給批付商。照驗出口。部給採木植批文。並移守關官確查出口人數。及進口木植數目報部。俟木植到日。部委官至通

州張灣確估時價。部徵三分。商給七分。○十三年題准。部徵四分。商給六分。○十六年議准。滿漢官民人等。願出古北潘家桃林等口採木者。將人數報部。轉送兵部。給出關票。部給長徑尺寸。照式採伐。進口時。該差官照依尺寸。記其木數。放進。運至通州張灣。該管官於十分中徵取二分。造冊報部。○十八年定。各口採伐木植。什一徵收。○康熙元年題准。古北口徵收木植。歲額贏絀。不必豫定數目。嗣後隨時確覈報部。○十八年議准。潮河川牆子路南冶口。二道關等

處有願採伐木植者。照例將人畜數目報部。轉咨兵部。給票出關。○又題准木植進口。該差官查驗長徑尺寸。照例十分取一。記印紅號。覈收。所收木植。按季備造循環號簿。繳送部科覈封。○十九年題准喜峯口外莊頭人等所砍木植。願交稅者。由水路運送。給票照例徵收。○又題准龍井口產有大木。願採伐者。給發關票出口。令潘家口差官照例收稅。○二十年議准科爾沁蒙古有願伐木進關。照民商納稅者。許由潘桃等口放入貿易。照例收稅。令該旗將伐木頭

領開送理藩院行文到部給予執照。三十一年題准古北潘桃等口監督嗣後徵收木植長徑丈尺均照部定價值折銀徵收差滿交部俟木植價賤之時即行收買存儲通惠河木廠以備應用。三十八年題准大青山等處木植甚多有殷實商人願往採取者該部給票令守口官驗明放行照例輸稅入口販賣。四十六年題准四川省渝關設於城外北岸兩河合流之處全川江水總匯洶涌迅急木植抵關難於停泊更易乘流私越直下江楚偷漏稅課應於渝

關上流牛角沱及夔郡西坪地方分設巡關船役。凡抵關木植均灣泊牛角沱。點明數目。圍圓尺寸。赴關照例徵收。給發完單。始准運放。完稅時。即令商人於循環簿內親自填註。奏銷時。申齋覈轉。其販賣下楚之木。均於夔州西坪地方驗票放行。如有偷漏夾帶。查究補完。○五十年覈准。渝關木稅。照四十七年四千七百五兩九錢三釐之數。作為定額徵收。○五十八年。准浙江省南北二關。將任滿一年稅銀。照例按季解部。○五十九年。議准。口內馬前寨等處木

植甚多。部給木商頭領十人執照。在口內砍木納稅。禁止本處人砍伐木植。惟

三陵應用木植。仍著千丁人內置辦。不許出口。於口內砍伐。○六十年奏准。渝關木稅。儘收儘解。據實報銷。○雍正元年議准。

盛京本處民人有自備資本採伐木植者。亦於盛京工部領取執照。該監督確查照例徵收。折銀交納。○五年覆准。河寶營木稅。由殺虎口監督徵收。解部。每年以七千二百兩為定額。○六年覆准。龍江關歲編工稅銀四萬六千八百三十

八兩。應給各役工食銀一百八十六兩。向於額數內動支報銷。裁鎗夫二名。巡役十名。歲減工食銀。彙入正稅。年終解部充餉。○七年覆准。潘桃口收稅各口。係大河小河二處。設為正關。監督親驗收稅。但大河過關木植。由潘家口而進。小河由桃林冷口而來。二口歧路甚多。繞關最易。嗣後將大河小河二處正關。移於潘家桃林二口。各設稅局。分鑄斧號。該監督親驗烙號放關。其有姦商豪戶。運木進口。捏稱完稅。驗放之後。私藏在家。乘監督新舊交代。串通守口人役。

減半交稅。暗行烙號。逾限不報者。限一月內自行首報。輸稅免究。若經查出。或被首告。即將漏稅之木。儘數入官。交地方官變價解部。仍將該商戶解部治罪。再各處關口商貨。照依納稅。然後放關。獨潘桃口木植。該商報驗烙號。即便放關。於過關後。始將應完稅銀開具欠呈。小板木稅。限二月於永平完交。大板木稅。限四月於天津完交。每多遲延。蒙混之弊。嗣後以過關之日為始。定限五月。木商親身赴關完納。如逾限不完。及完不足數者。即將該商木植確估。抵交應

完銀數。交地方官變價解部。餘木聽商自賣。○
又覆准古北口稅課。每年額徵銀四萬三百四
十一兩五錢。交密雲縣請領部科循環印簿。將
商人過關木植十分取一折銀。按季報部。一年
屆滿。將循環印簿呈送部科查覈。所收稅銀。照
數解部。○又覆准南新關徵收竹木。正關之外。
分設漁臨。美政。安溪。富新。北新。觀音。板橋。良畝。
敘輻。古蕩。十小關。分徵零散竹木。向例差役在
口就近收稅。每年頒發商人親填簿冊一本。存
於正關。同各小關收數。一總彙填簿內。年滿送

部考覈各小關分設地方距正關遙遠於正關
號簿之外增設小關印簿十套分給就近登填
以免商民遠赴正關。八年覆准古北口一路
近年木植進關甚少額徵銀一千十有二兩五
錢一分。九年覆准辰關木稅以一萬二千五
百兩為定額如遇閏月加九百兩每年請領部
印循環簿將該商姓名木植數目年月日期飭
商親填一年期滿送部考覈。十年議准徵收
瓜儀由牐河餉銀嗣後令該管道員照依各關
之例赴部請領親填簿令船戶據實登填期滿

題報考覈。○十一年覆准。渝關木稅設關之始。並未請有部頒詳細則例。杉木柏木。估本稅銀。大小尺寸。均無一定。未免輕重之偏。今若將各號木植。竟照所值之價。估本收稅。恐商人不能多獲利益。嗣後照各號圓圖尺寸。較原估本量加三四成。按則科算。每銀一兩。取稅三分。○又覆准。瓜儀由牯徽收河餉。嗣後於原額之外。如有溢收。報解戶部。儘有缺少。在徵解戶部項下之撫增等餉銀內。照數補足。○又覆准。鳳陽蕪湖兩關平法戮子。均不畫一。交工部成造頒給。

該管官。如有私造故為輕重情弊。令該督撫覈實題參。其所收商稅銅斤水腳銀。照正關一例填入單內。給商收執。俟早晚放關。即驗單截角放行。至年滿考覈時。將所收正稅若干。銅斤水腳若干。分造清冊報部。○十二年覆准。南新關徵收稅課。分解藩司杉木料銀四千七百八十二兩五錢。俟該關徵收期滿之日。照例解交司庫。委官附解戶部。○十三年覆准。交城縣徵收武元城木稅。每年以一千二百三十一兩有奇為定額。○又奏准。松阿里江上游輝發穆欽等

處木植十取其一。免徵山分銀。交與地方官徵收。○乾隆元年。裁宿遷關額徵石價銀八百二十兩。○又覆准臨清甌板牖稅。每年以四千五百七十二兩七錢四分為定額。○三年覆准密雲縣徵收古北口木稅。緣牆子嶺等四路封閉。遞年缺額。若照雍正十二年六百四兩有奇之數徵收。與雍正八年題覆定額懸殊。恐滋侵隱。今仍以一千十二兩五錢一分為歲額。○四年覆准殺虎口監督徵收歸化城木稅。每年以四百四十六兩為定額。○五年覆准各關徵收稅

銀皆改用題本。嗣後各關於一年任滿時繕本具題。畫一辦理。○六年議准宿遷關徵收豐沛蕭碭等四縣陸稅。仍舊改隸該縣徵收。解歸藩庫奏銷。扣除四縣陸稅銀二百九十六兩。以存銀四萬八千八百八十四兩。為每年定額徵收報解。○十年議准瓜儀由牐徵收河餉。一年期滿改歸蘇州巡撫題報考覈。所收銀解交總河衙門。以備河工之用。○十二年

諭。關稅定有正額。徵收缺少。例應著令賠補。若一人而兼管兩關者。此關徵收有餘。應准其抵補彼關不足。

之數。再有短少。令其賠補。該部查覈各關稅銀。均著照此辦理。○十四年

諭。工部具奏蕪湖工關較去年短少。行令查覈。業已降旨依議。今戶部議稱蕪湖戶關贏餘較去年有餘。毋庸置議等語。此案工關贏餘雖較上屆不足。其戶關較上屆贏餘之數足數抵補。如將有餘者毋庸置議。不足者再行查覈。於考覈功過之意未合。即行查覈。亦徒多往返登答。工部再行查覈之處不必行。嗣後著該部照此辦理。如一人而兼兩關。其比較上年贏餘之處。均有不足。再令該督撫據實查覈。○十六年

議准輝發穆欽等處木稅以三百七十兩作為定額。○三十年議准吉林理事同知徵收輝發河上游稅銀每年仍以三百七十兩作為定額。如遇多收之年俱令儘收儘解。○又議准甯古塔徵收木稅每年以一百五十八兩作為定額。○三十一年奏准潘桃口所管六小口稅務交通水道就近徵收每年額定銀一千二百兩如有贏餘儘收儘解一年期滿詳報直隸總督具題考覈其潘桃口稅銀以六千四百四十五兩有奇作為定額。○又議准各商木植向由潘桃

口進口。部票內註明潘桃口字樣。今由潮河運至通州。則古北口為必由之路。應於票內一併註明古北口字樣。以便驗票放行。○三十二年奏准。

盛京吉林甯古塔等處稅口。抽取木植。應變價歸公。嗣後如有變價木植。該將軍加意確查。承辦官據實估計。不得任意減少。率行題報。○三十年議准。渾河等口。每年所徵木稅銀兩。與二年比較具奏。並嚴飭委員據實較覈。○又奏准。大河口木稅。應徵枋榔把杆等項稅銀。照依該

處時價。加增銀二百四十一兩有奇。○三十五年議准。三姓地方徵收木稅。每年以一百二十八兩作為定額。○三十六年奏准。潘桃口木稅。蒙古自行砍伐之木植。凡有合例尺寸。均令買主按例報稅。○三十七年議准。荆關試收竹篾盆桶稅銀六百六十七兩有奇。作為定額。○五十七年議准。奉天府遼陽。岫巖。鳳凰。開原等四城。折徵商運木植價銀。照渾河稅口例。實收木植。以備修倉就近取用。除敷用外。餘木按年出陳入新。照例估變。價銀歸

盛京工部歲修項下報銷。○嘉慶四年

諭。向來各關徵稅。於正額之外。將贏餘一項比較上三屆徵收最多年分。如有不敷。即著經徵之員賠補。以致司榷各員。藉端苛斂。而賠繳之項。仍未能如數完交。徒屬有名無實。因思各關情形不同。所有贏餘數目。自應酌中定制。以歸覈實。而示體恤。已於戶部所奏各關贏餘銀數清單內。經朕查照往年加多之數。分別覈減。自此次定額之後。僅各關每年贏餘。於新定之數再有短少。即行著落賠補。如於定數或有多餘。亦即儘收儘解。其三年比較之例。著永行停止。至

工部船料竹木等稅除渝關贏餘向無定額及由牐等關並無贏餘外其餘亦經分別減定嗣後一律辦理毋庸再行比較○

欽定工關贏餘銀兩數目辰關三千八百兩武元城一千二百六十九兩臨清關三千八百兩宿遷關七千八百兩蕪湖關四萬七千兩龍江關五萬五千兩荆關一萬三千兩通水道三千九百兩渝關由牐關南新關潘桃口古北口殺虎口六處木稅正額之外向無贏餘○又奏准辰關渝關潘桃口通水道古北口五處徵收稅銀照

各關之例。改為連閏接算。扣足十二箇月。為一年。期滿。題報考覈。○五年

諭。祖之望奏辰州府商稅。自署知府李大霑接管以來。於新定贏餘原額外。每月尚有贏餘銀自千餘兩至七八百兩不等。據實報出。計一年期滿。約可收額外贏餘一萬數千餘兩等語。各處商稅贏餘。經上年酌量刪減後。於定額贏餘之外。免其逐年比較。以示體恤。但司權各員。因贏餘定有額數。於足額之外。未必儘收儘解。或任意欺隱。藉肥私橐。實難保其必無。今李大霑據實報出。尚屬體面。著交部議敘。並著通諭

嗣後各處所徵商稅贏餘銀兩。如較新定額數。實有加增。即當據實報出。朕必加恩甄敘。儻稍有隱匿。徵多報少。一經發覺。必將該管之員。照監守自盜律治罪。其辰州府商稅從前節年經徵贏餘之數。事屬已往。官非一任。著加恩免其查辦。○七年

諭。顏檢奏密雲縣徵解木稅不敷定額。懇請覈實辦理。一摺。該縣管理古北口抽分事宜。每年應解木稅。原以一千十二兩零定為歲額。今據稱該處商販寥寥。無人領票辦課。山場砍伐既久。近年以來。止有小民在附近各山採取柴薪。照例輸課。每歲不過三四十

兩至五六十兩等語。自係實在情形。除嘉慶二年至六年止。應解稅銀。仍在歷任知縣名下照數勒完外。嗣後此項木稅。自嘉慶七年為始。著即照徵收雜稅之例。儘收儘解。不必定以額數。仍著該督責成該道府等隨時稽查。毋得以多報少。致滋弊混。密雲縣距京甚近。儻一經查出。必將該令等懲處不貸。其該縣原領監督關防。即著繳銷。○十二年奏准。辰關每年徵收加一耗數二千七百七十餘兩。向例開銷在關書役辛工飯食外。餘銀解司充公。並不報銷。今即以嘉慶十二年為始。將此項耗銀除應

給該關書役人等辛工飯食等銀七百九十兩有奇。作為定額支銷。其餘一千九百八十兩零。儘數歸入額外贏餘項下。作正報撥。○十七年奏准。

盛京將軍等保送本商承領砍木照票。向無該界官保送印結。惟嘉慶十五年。該將軍保送新商。部議令該界官出具保結。覈轉各官。加具印結送部。始准承領。嗣後飭令一律出具印結。以專責成。○道光六年

諭。那彥成奏暫減木稅一摺。通永道徵收木稅。近因糧

艘盤壩轉運。未能攜帶木植。抽稅稍形短絀。自係實在情形。著加恩將道光五六兩年稅銀。准其暫減二成。其餘不敷銀兩。即著落經徵之員。照數補交。儘於減定額數之外。有多徵銀兩。仍令儘收儘解。俟漕船行走。即著遵照原額徵收報解。○咸豐二年議准。江蘇等省海運河運米船。准帶二成貨物。照例免稅。其每年免徵及實徵各銀數。令通水道分析造具清冊。申送工部稽覈。○三年

諭。嗣後各關均宜設法整頓。仍遵額定稅數。照常徵收。不准以儘徵儘解。違例奏請。致滋流弊。如將來虧短。

實屬有因。著俟一年期滿。奏報到時。由戶部酌量情形。分別奏明。請旨覈辦。○同治四年。奏准。浙江省南新關。每年經費。覈減二成。支給。按年造冊。送部覈銷。○六年。奏准。各關商填號簿。及紅單。概行裁撤。○七年。議准。各關停頒號簿。商民輸稅。填寫紅單二紙。一給商民。一送部查覈。其有不給紅單。或納銀數多。給票數少。及私將紅單撤回。浮徵勒索者。許商民首告究擬。○又議准。各關逐日徵收銀數。由關造具細冊。隨同紅單。及支用經費等冊。於關期滿後。遵照例定期限。送部

考覈。○又議准各關應送部科磨對之單冊。以
及潘桃口六小口解部銀兩。均由各該督撫備
文咨解。穀虎口稅銀。由監督備文申解。○又覆
准通水道經徵工關稅課短徵銀兩。在於新關
所收子口稅銀撥補一半。其餘一半。該管道照
數賠補。○十年議准通水道額徵板木船窰等
稅。於徵收正課之外。准加一成耗銀。作為各口
稅局公費。及應解部科飯銀之用。工部一百二十
兩。工部
十八兩。
四百八十兩。除動支外。尚有餘銀。歸入贏餘項下。作
正報撥。儻不敷用。由該道隨時捐發。不准另請

開銷○又奏准

盛京渾河

即呼納呼河

大凌河小凌河六周河太子河

清河鶯納河大莊河碧赫河歸河遼河艾河曹

河及遼陽岫巖鳳凰開原四城稅銀均一年期

滿咨部考覈○又奏准吉林所屬輝發穆欽三

姓甯古塔等處以及四川渝關稅銀均一年期

滿題報考覈○又奏准潘桃口

今改設大河口

六小口

古北口殺虎口武元城龍江關宿遷關瓜儀由

牘關蕪湖關南新關荆關新關辰關等處稅銀

均連閏接算扣足十二箇月為一年期滿題報

考覈。○又奏准通永道稅銀按季呈報工部備查。年終題報考覈。○又奏准坐糧廳每年兩次將用過稅銀數目。山東糧道每年一次將收過錢糧造過漕船用過料價數目。江安糧道每年一次將江甯靖江二廠歲修漕船收支錢糧數目。浙江糧道每年一次將造過漕船收支銀數。各登填部頒簿內。呈送工部查覈。工部將送到各簿備查外。仍將印簿劄發該道廳照數登填。報部備查。○又奏准臨清關稅銀自開河日起。至年底止。一年期滿。題報考覈。○又奏准龍江

關。和州。含山。並東壩。為紫各分口。除桶篋稅。仍照大江則條減半徵收外。其餘一切貨物。概不得另徵工稅。○又奏准。各關口徵收應解木稅銀兩。總以一年期滿後。定限二月完解。○又奏准。各關年滿具題所有動支經費銀兩。按送到印冊考覈。無浮者准銷。應減者查追。均於題覆時聲明辦理。

禁令。○順治十六年議准。喜峯口外所屬蒙古及八旗網戶木匠。砍伐柏板進口販賣。亦照十分取二之例徵取。如有私行進口不遵徵稅者。

該差官指名報部題參治罪。木植入官。○十七年議准。凡邊外伐木之處。不許恃強占據。如違指名參奏。○康熙元年題准。旗人採木人役。以兵部給發關票之日為始。限半月內出口。其關票限一年繳銷。如過限不回。及不銷票者。送該部議罪。○十六年題准。凡各商木植進口。該管官親身查驗。照數徵取。以備各工取用。如有隱漏長大木植。止徵短小者。題參重處。○二十二年議准。

盛京佟家江地方所產大木。有願採伐貿易者。聽

工部

盛京工部甯古塔將軍發給執照。令沿海運至天津貿易。不許夾帶禁物。竊捕貂鼠私採人蔘。二十六年題准。古北口木稅。該差官於任滿日起。限四月內明白交完。潘桃口收稅。係由海運。以任滿日起。限八月。如限內不完者。照各關拖欠銅斤例議處。商人亦照交納銅斤缺少例治罪。如差官隱漏大木。止收小木。及通惠河分司差滿報部有遺漏舛錯者。一併題叅議處。○二十九年覆准。嗣後領部票商人木植。被水衝散。

有恃強偷盜者。照常人盜官物例治罪。○三十三年題准。凡木商出口。帶領人夫。令監督將姓名年貌。逐一開填票內。給發驗收。兵部行文管口官。將出入人夫。與票內所開逐一查對明白。放出進口時。亦照此例。或有病故者。商人豫報管口官註冊。如管口官不稽查人數。任其出入。交部議處。如商人捏報人夫病故者。交刑部治罪。○雍正七年

諭。各關開放船隻之處。向例有部頒號簿。以便稽查。茲聞各關另設私簿徵收。惟於報部之時。始將號簿挨

日填造。其意以水路船隻往來多寡不齊。若據實填簿。則不能逐日有徵收之數。恐干駁查。是以設法勻派填造。如此則簿內全非實收數目。與商船過稅串票全不相符。殊非政體。且凡事據實則可以無弊。作偽則弊竇叢生。今既係任意勻派填造。則號簿亦為虛設矣。嗣後各關於部頒號簿。務須據實填寫。如無船隻過稅之日。亦即註明。不得仍蹈前轍。如敢故違。定行嚴加議處。該部亦不得混行指駁。致滋弊端。○

八年議准。潘桃口木植所經之地。路僻水險。沿河匪類。或因水發。木漂乘機盜竊。或結黨截道。

攔阻木筏。或暮夜上筏。砍繩。乘機撈搶。一經商人呈告。該監督即會同永平府審訊明確。照白晝搶奪律治罪。○十一年覆准。荆關徵收竹木鈔稅。所給商票。照船稅一例。換用聯二串票。飭令將應完鈔銀開載。照票給商過關。根票截存繳部。○十三年覆准。潘桃。古北。殺虎等口。商人砍木。部給印票。向係兼書清漢字樣。但該處係蒙古地方。或有不肖商人。捏書漢文。以欺蒙古。混入砍木。亦未可定。嗣後令各該監督詳領兼書清漢蒙古三體字印票。俟給發到日。即將舊

票繳回。並轉咨烏拉特札薩克。歸化城都統。嚴飭蒙古不時稽查。儻有並無清漢蒙古字印票。混入砍木者。即時拏獲。送部治罪。如蒙古徇庇不報。即將蒙古一併治罪。至大青山木植。不免夤夜偷放木筏。以圖漏稅等弊。嗣後令殺虎口監督。並該御史不時稽查。儻漫不經心。以致差役商賈夤緣漏稅。一併交部議處。○又覆准宿遷關所管豐沛蕭陽四縣應徵陸地稅銀。照依現收稅銀則例刊刻曉諭。遴選幹辦書役。前往彼地據實徵收。不得稍有侵隱。所收稅銀彙同

該關徵收稅銀。照例按季解部。期滿具題考覈。該監督不時嚴行稽查。毋致書役徵多報少。刻意苛索。苦累商民。如有此等情弊。一經查出。嚴行究治。仍令該地方官將稅老土豪人等。嚴行禁革。不得盤踞把持。以杜包收侵隱之弊。並令將各屬經徵陸地等稅徹底清釐。飭該地方官照數儘收儘解。如有土豪包收情弊。一概嚴行禁革。儻經管官希圖通同侵隱。照例叅究。○乾隆六年覆准。龍江關徵收木稅。嗣後水平橫量。牌面如中高一尺。邊低一尺。將高低折實。除還

一半止以五寸科算。永禁飛量之法。○十年覆
准宿遷關散裝船貨。不拘頭稍倉跨。悉照成包
成捆貨物。一例籤驗現數。按擔徵收。永禁通船
一載之例。○十四年定。各省關口。徵收正稅贏
餘。責令該監督按月咨明督撫。無論兩任三任。
俱扣足一年。其所收贏餘並無虧少。及彼此兩
任能抵補者。均毋庸議。不能抵補者。將短少之
員議處。俱不足者。均分別議處。○三十一年議
准。潘桃口徵收稅銀。照現行則例。在大河口地
方刊刻木榜曉示。永遠遵行。其辦課商人。如有

不遵功令捏混透漏等弊。一經查出。除木植全
行入官外。仍將該商從重治罪。○三十七年奏
准。渾河稅口。各商陸運各項木植。一體赴局挂
號查點。照例分別折徵。如無印票私行運售者。
查出照漏稅例查辦。其餘各河口。如有改造板
片。以及陸運偷運等弊。一體查辦。○嘉慶十九
年

諭。關市之設。所以通商便民。成法極為詳備。近日該管
官奉行不實。日漸廢弛。各關口應立之稅課木榜。並
詳單小本。均不豎立刊刻。商賈不知稅則多寡。任聽

家人吏役。額外抑派。多收少報。虧課病商。叢滋弊竇。至各省牙行。亦不按年清查。率多頂冒朋充。甚或假託官差。多方苛索。俱應隨時查禁。著通飭管理稅務衙門。及直省地方官。申明例禁。實力奉行。毋任姦胥市僧。句串欺蒙。以除積蠹。○同治十年奏准。通水道徵收板木船窰等稅。遵照

欽定稅則章程刊刻頒行。俾垂久遠。○又奏准。通水道工關木稅。內將榆楊柳伐樹稅課裁除。並撤去草橋三家店張房片單家橋分口。刊入工部稅則。永為定制。○光緒元年奏准。通水道經徵工

關木稅無論何項緊要

欽工遇有飭商採辦木植一概不准援免稅課。○十二年奏准

欽工木植仍著照例徵稅。所收稅銀即解由工部轉交內務府呈進。嗣後均照此辦理。○又奏准各關徵稅科則責令該管官詳刻木榜豎立關口街市。並責令地方官將稅則刊刷小本每本作價二分。聽行戶頒發遵照。儻該管官將應刊木榜不行設立。或書寫小字。懸於僻處。掩以他紙。希圖高下其手者。該督撫查叅治罪。地方官將

應刊稅則不行詳校。致有舛漏。或更扶同徇隱者。並予嚴叅。○又奏准。各關徵收稅銀。除該督撫監督奏報缺額。予限完繳外。其餘各項應賠銀兩。如違限不完。現任管關人員。工部指名查叅。離任人員。內任者。旗員由該都統咨部。漢員由工部查明叅辦。外任者。旗員漢員均由該督撫咨部查叅。○又奏准。管關之員。任滿時。儻有將徵收之數。以多報少。或於虧短之數。以少報多。即與侵蝕倉庫錢糧無異。各該督撫。立予嚴叅追繳。儻徇隱不報。一併照例議處。○又奏准。

奉天府所屬邊內山場附近殷實居人有情願
砍木者具呈

盛京工部給票砍木輸稅給票之時即知會
盛京將軍飭令

興京鳳凰城等處城守尉不時稽查如有違禁生
事及砍伐木植以多報少情弊將領票商人照
例治罪失察之城守尉監督等一併題參

[illegible]